



四律集
七

詩

卷八

~ 16
2415
7



和
2415
18-7


四佳詩集卷之二十

第十三

詩類

送南原梁君詩之詩百韻

東國千年運南原一代賢
 亞元登桂籍高步上花
 磚風裁人如王文章筆似椽
 英靈在岳降襟韻雪
 霜蠲空北蹄初快岳南翻
 自翺箕裘真素履詩禮
 是青種十載陪經慳多時
 近御筵披書青簡古演
 詰紫麻研華盖天常近瀛
 洲地自連含香瞻日角
 聽履上星躔綸閣明紅旭
 石渠動碧連名高班玉
 筍榮動燭金蓮姿想孤鸞
 峙胸看列宿填詞華起
 蛟鳳筆刀掣鯨鱣妙手通
 三昧神工到百穿異端
 驅虎豹道學達魚鳶騁氣
 鄒枚躅等時賈董肩鋪



張言十萬劉切牘三千浩汗文翻水調深思湧泉
言途開蕩蕩王道佐平平北闕論思切東闈輔導
全雲龍遭遇盛雨露眷注偏際會真如此蜚騰孰
敢先鳴樞俄擢拔烏府旋迢遷鍊石披肝固風霜
入手前獬神會獨角鶻健不空拳白簡能搖嶽青
囊早上天批龍鱗自逆鳴鳳翼高翩諫草焚應避
臺蘭佩自拴天官紆睿想地望冠朝聯鈞軸當機
要權衡妙選銓上書人幾薦開閣士長延鷲鳥那
如鷄貂冠又綴蟬滿朝賢已籲在野跡誰踰桃李
栽須滿蓼苓備自圓棘垣頻作主藻鑑正如懸肯
繁屠牛坦驪黃相馬歎求才如白璧選士幾青錢
水部知清貴尚書荷寵憐若工僉有舉掌土獨提

權地理居民物輿畜繫幅幘弘文儲萬卷典校購
千篇讎帙同劉閣尋章笑鄭箋芸香袖裏滿藜火
杖頭燃仗節經遼碣觀光到薊燕衣冠瞻肅穆玉
帛更周旋國耳心常薦使乎禮不愆遠遊增跌宕
獨處豈迤邐題柱志應壯柔繻憤未捐周能稱季
札漢不數張騫憂國夙夜謹在公朝夕度小心長
翼翼慮事每惓惓自信清如水人稱直似絃貞心
擬松柏馨德譬蘭荃姓字傳華國聲名動海堧忠
誠能捧日勲業白凌烟黼黻謀猷壯經綸德義宣
尋常依日月頓整定坤乾百藝皆能絕三長又獨
專雄文司馬上直筆董狐前列聖規模大兩朝寶
錄編琅函緒奧妙金匱閱深淵有道皇王媿成書

典誥傳麟經垂畢日石室秘藏年魏闕絲綸密甄
都駟騎躡文星移峴外卿月照湖邊鵲嶺輝龍節
熊江泛鷁舩華筵開勝麗佳妓擁嬋妍舞艷翻羅
袖哥長出錦纏風流擬安石落魄笑樊川作賦揮
神筆題詩動絲牋行經金馬國共指玉堂仙棄梓
猶恭止楸梧益潸然焚黃榮寵極上塚孝情牽若
若腰金煥暉暉衣錦嬋羨談歸父老佳氣藹村田
好是承恩去行看得意還親朋多祖送道路已聞
駢叙別猶瀆酒贈言却勝鞭公乎真磊落走也久
攀綠鬢舍三千弟橋門億萬園龍門叨汲引鸞殿
共躡躡紫閣時同直青綾夜共眠將身近螭陛滿
袖動龍涎燭向談時剪茶從醉後煎論交期皓白

信誓有蒼玄管鮑會投漆期牙又續絃一生思附
驥萬事又憐螭藝苑叨承乏成均復備負光陰嗟
潦倒老病獨沉緜壯志雖衰矣餘生可勉旃自慙
頭種種人笑腹便便真契思磁鐵虛名事掣鈆自
天承霈澤無地効埃涓上聖時難遇中興頌可鐫
乾坤調玉燭日月繞璣璇萬物歸陶範羣形囿化
甄八荒開壽域四海戢戈鋌鼎鼐益梅在山河帶
礪堅與君崇令德終始佐朝鮮

臘月初四日初度二首 壬辰歲也

今日是初度青春五十三容顏衰已甚仕宦力不
堪補衮才何有歸田分自甘細君聊為慶臘酒已
先酣

衮衮將新臘悠悠過小春老夫驚晚節故友賀生辰
辰滿眼杯盤雜披肝笑語親從今一百歲來往莫
頻頻

重拜大司憲

先生無乃鐵為腸重到烏臺又十霜昔日曾無陳
儻議今時那復振頽綱平生所得皆迂腐晚節惟
須更激昂吏報上官明日是訟庭依舊柏蒼蒼

李次公用演雅賀拜憲長依韻奉寄

平生蠱篆竟何功重入烏臺虛譽隆
默默當年慙立馬行行何容避乘
驄空聞神多邪能觸自哂黔驢技已窮
鳴鳳朝陽非我事畫蛇著足亦難工

演雅又用前韻

麟閣叨參不分功封君申錫寵彌隆
百年那有揚州鶴十載重乘御史
輿鷗不空拳飛有道獬雖獨角觸何窮
若為借子屠龍手諫草烏囊語轉工

送三陟府使黃同年允元

黃髯昨夜夢刁三有父能將喜可堪
明日定應飛五馬竹西樓下水如藍

人生聚散似搏沙十載重離別恨多
何處春風能憶我鷓鴣聲送海棠花

奉次洪益城見寄八首

會無一譽聳臺端十載重來戴法冠
見說乘驄人共避煩君莫作等閑看

豈有滄埃卷聖朝虛名箕斗愧諸僚
雖然自信腸

如鉄爭奈雙鬚雪亂飄
公事如雲汗鼻端一生迺腐坐儒冠如今更信迷
當局可怕傍人袖手看
南陽聲譽滿清朝二紀躋攀忝下僚不分金吾陪
杖屨柏臺高處雪霜飄
萬事何能執兩端多時驚髮欲衝冠唯餘舊日臺
前栢晚節蒼蒼帶笑看
濫竊君恩已五朝何曾網紀肅官僚偷閑置散耳
吾分江海歸心日夜飄
妙手無能刻棘端豸冠今復沐猴冠狂謀謬筭成
何事羸被時人白眼看
講罷經帷早退朝題詩寄我舊同僚多君五鳳樓

前手百火凌雲逸氣飄

火山臺額字二首

燭龍天上降丹鳳日邊來北闕迎新歲南山獻壽
杯

星斗低金闕乾坤繞玉墀赤鳥來獻瑞同樂大平
春

除夜立春

除夕兼春立悠悠感歲時一年將盡處三夜欲來
時銀勝簪頭重屠蘇到手遲有癡何處賣空祭浪
仙詩

後苑觀火入侍二首

良宵觀火御園東百戲皆呈氣勢雄鰲負仙山浮

海上龍銜光燭下天中豪聲動地飛晴電壯態漫
空吐彩虹侍坐羣臣皆蹈舞五雲佳氣靄葱籠
百尺山棚蠹幾層坐看炎上勢飛騰有時能作葡
萄走長夜渾成躑躅蒸蜃氣樓臺紅隱映電光天
地紫憑凌諸戎滿坐皆驚愕盛代威靈見未曾

人日

人日人來少春天春氣多青看挑野菜白已綻梅
花慣見陰晴事頻驚歲月過題詩慙杜老有興酒
宜賒

在烏府薇垣諸丈送先生案求酒債詩以為
戲

幾尋壁上記復憶屏間詠盡詩

僕會題諫院
題名記又賦

屏間詠芍
樂牧丹詩醉倒春風渾似夢大勝重戴芻冠時
五斗解醒諸本院一錢不直老先生誰言酒債尋
常有霜府年來到骨清

權同年寄詩走筆次韻

人間那有鶴錢州自顧功名已足留置散投閑宜
我分鏡中長愧雪渾頭

百年身世已摧頽佳節難逢笑口開為有東隣同
榜老時時杖履緩尋來

丁丑覆試同年等設門生讌於座主李領院
邊宅居正以公務未獲參造輒賦近體二首

錄上公今八十三歲

乾坤間氣岳鍾靈福履康強八十齡鳩杖恩頒尊

國老鴻樞位極聳朝廷狄公桃李多栽植裴相權
衡仰典刑今日門生叅座主壽星應共瑞文星
五朝元老幾人存德邵年高望獨尊一代筮龜
上相百年砥柱屹斯文青春齊獻南山壽白日長
留北海樽更酌綠醪加百歲白頭吾亦報門恩

送酒

懽伯今朝送爾歸春風回首思依依殷勤更約相
逢處杭稻香時鰕子肥

稽古三首

稽古才猶淺經邦術亦疎年今已云老事更不如
初吏拙多公牒君明少諫書幾時能盡節乞骨退
田廬

籌時會短拙處世已迂疎聖代人惟舊吾生帝揆
初解嘲寧有賦知止可無書昨夜還家夢青山擁
弊廬

無才慙世用非病故人疎已厭趨浮末無由返古
初一中曾愛酒三上不須書百世宜吾範淵明愛
此廬

奉寄趙直提學秋廣州村墅二首

功名有力挽吾留重入烏臺白盡頭春夢不知公
務急尋春先上釣魚舟
十載空吟歸去來廣津春漲綠於苔功名死後麒麟
盡可博生前鸚鵡杯

曉起即事

病餘腰脚倍酸辛坐擁紬衾夜向晨小壁殘燈明
復翳雨聲催曉更催春

贈寫真裴護軍

五代經帷一老臣晚年非分忝麒麟煩君三昧傳
神手白日晴窓為寫真

妙處常存阿堵間從來復道點睛難虎頭此法唯
君識若畫三毛更壯觀

愧我何曾骨相奇畫來堪笑復堪嗤容顏定下裴
丞相狂老全勝杜拾遺

裴丞相度有畫真自讚王介甫有杜子美畫像贊

春雨二首

好是春朝雨知時乃發生風光連社日節氣近清
明柳艷搖黃線桃嬌綻絳英天公方降澤吾亦恰

詩成

忽報南池漲看看綠漸生陽和方駘蕩生意自分
明柳岸搖金縷梅窓吐玉英聖君能位育天地極
財成

送沔川宋使君一首

鷄岳蒼蒼熊水深春風五馬去駸駸為州復得還
家樂字物能酬報國心十里棄麻行露冕千家襦
袴坐鳴琴此歸德政吾先認遺愛西原說至今

春日戲書簡景醇在臺中作

長西狂夫老更狂年年春日作花荒今年較比前
年異蒲地春風滿面霜

偶吟二首

世共趨時急人皆責已廉臺評誰敢畏物議我無
嫌毀譽難藏舌論談或奮髯朝來焚草坐秃筆懶
重拈

道直行何懼官清勢自廉無因來謗讟何計避猜
嫌酒易紅人面詩能白我髭偶無公事在青簡手
長拈

癸巳二月晦日寒食

百六逢寒食時維二月開榆烟應復改杏粥亦堪
餐舊習鷄兒鬪新來燕子寒名辰足可惜莫使酒
杯乾

清明日李可成來訪二首

寒食清明三日事病身愁鬢一年春鬪鷄走馬非

吾事聊復清樽對故人

改火禁烟新歲事尋花問柳故園春憑君莫說田
家興亦有當時未去人

春日臺中書懷錄奉姜晉山

簿書叢裏日遲遲烏帽龍鍾鬢似絲滿眼有花無
有柳一春無酒亦無詩

述懷二首

吹竽知幾日乞骨定何年未得江頭醉欲從甕底
眠魯公能退日把國謾憂天移病還無事龍團手
自煎

白雪空侵鬢黃精可引年容顏如鶴瘦身世似蠶
眠持祿慙無地歸田誓有天回頭浮世事膏火口

相煎

再用前韻二首

衰遲非壯歲荏苒感流年事業唯打酒生涯只食
眠戈難追白日石豈捕青天浮世無窮事何須百
慮煎

多時耽厚祿何計送殘年日月黃鷄唱江湖白鳥
眠立錐自無地坐井徒有天老渴憐茶譜唯須活
火煎

春日書懷

杏艷桃嬌又一年田園歸夢日相牽功名畢竟同
葛狗身世飛騰愧紙鷲自有白鏡脩廢園可無黃
犢理荒田趁春直欲休官去獨釣清江月滿船

題嶺月軒惠上人詩卷

僧有袖詩謁時維春三月我不揮門墻教誨亦不
屑引之坐相對得此真面目五蘊本空虛誰歟是
六識何時出山來面壁業已白師看嶺上雲色空
空是色這是本家事師乎師自得

即事寄高同鄰

白鼎

雨餘池水綠初肥日暖簾攏燕子飛老病重裘猶
未解今朝聊復試春衣

光山府院君金公母氏挽詞

三從閨範盛四德壺儀尊鶴髮年齡遠魚軒福履
繁蟬貂看四子蘭玉見諸孫封爵綠兒貴踈榮荷
聖恩胡然炊日夢遽爾返娥魂終始哀榮備光山

幹蠱存

巡園即事

忙裏誰知亦有閑
巡園聊復緩行看
薺菜已長芎蒲綠
紅杏半開梅已殘

種樹種花於後園

種樹纔完又種花
殷勤護惜亦情多
平生所得能多少
深愧當年郭橐駝

受賜新頒大明曆

龍飛茅九載鳳膺更
頒春萬里車書混
三韓道里均漸東
霑聖化拱北仰深仁
拜賜長年祝遐荒
一老臣

惜杏花

杏花開盡映殘暉
却怕明朝作雪飛
人事更隨時事異
賞情渾與宦情違
褰衣月影詩人老
吹笛天明醉興非
笑折一枝聊挿帽
少年遊樂重依依
曾寄絕句二首於
姜晉山有和復用前韻以

酬二首

春寒未放燕來遲
花落無聲柳撚絲
睡覺午窓人語靜
小樓南畔立尋詩
浮生已作絮顛狂
三徑居然日就荒
自信此心清似水
儘教門戶冷於霜

三用前韻二首

常恨春宵苦不遲
凭闌情緒亂如絲
始知一刻千金直
月影花香匿起詩

日年顛倒似風狂花月前頭志已荒只坐此身長
縛束顏如瘦鶴鬚如霜

四用前韻二首

今歲梨花開較遲海棠無語亦垂絲還慙老物殺
風景春盡都無一首詩

封章慷慨減前狂物議丁寧笑老荒問舍求田宜
我分十年不去換星霜

聞許掌令患齒以鐵如意碎去戲贈二首

十年吾已抱沉痾萬事何曾掛頰牙聞說幼與今
折齒隣家何物解投梭

少日齒牙利勝刀嚼吞堅硬也能消如今豁落君
休耻我似昌黎亦動搖

求麥門冬於車輿醫

老病纏綿抱渴何日長時復愛煎茶殷勤為借門
冬飲暖胃開腸學老坡

送慶尚道觀察使尹贊成弼商用諸公韻

坡平家世自箕裘黃閣功名尚黑頭出納非龍專
獨羨澄清有范讓為儔經綸曩輟調羹日慷慨能
酬報國秋慰蒼蒼生真有道徵還不日寵金甌

甌出城東

野塘高下水流渾多少園林綠一分昨夜東風吹
雨過屋頭晴日李花繁

種瓜

南圃今朝雨似油呼兒隨意種新疇種瓜只為深

秋討不向青門學故侯

寄高同隣

台鼎

春山如染葳芽肥夢裏思歸可得歸不必妨賢空
度日明時自覺諫書稀

奉寄孫同年七休亭

名舜孝

聞山池荷葉始

生二首

小池清淺華山顛荷葉新抽綠似錢直待花時須
喚我看花萬丈藕如船

薄雲殘照雨紛紛翠蓋紅粧映兩宜我亦風流王
堂老賞蓮三到不須辭

病卧寄金侍御

自真

蘭臺重到料何曾碌碌因人愧不能鉄石心肝諸

侍御風霜面目一中丞人間獨角那無豸天上雄
飛自有鷹多怪邇來章奏少大夫無乃病相仍

次韻金侍御見和二首

鐵冠頭上似吾曾震懾臺端百不能口自期期如
吃史耳常藐藐似聾丞功名可怕編鬚虎出處寧
非掣臂鷹報了君恩吾亦去丹丘何處羽人仍

慷慨如君見不會迺疎似我謝無能衰容長愧社
工部時論方歸韋左丞真北騰驥追日驥海東橫
截得霜鷹明時選用皆豪俊憲長胡然老病仍

移病在家寄高同隣

台鼎

被劾不仕二首

人生有味不如閑移病無人畫掩關睡覺小窻春
正靜一簾紅雨鳥聲殘

春風顛倒不堪言
花落紛紛已一分
始覺臺官非好事
不會章奏効東君

高同隣見和復次韻四首

身閑聊復得心閑
春與春愁兩自關
安得鸞膠三萬兩
手粘白日續春殘
海棠脉脉自無言
細雨蘸脂膩十分
自是聖朝嚴酒令
此時舉白可浮君
雨入春江水漸肥
山禽何事復催歸
我緣老病臺應罷
我政歸時花政稀
江魚白白趁春肥
鱸縷紛紛作雪飛
自是不歸歸便得
不堪塵土污朝衣

春日送人歸關東

海棠花正好
江柳絮初狂
送別去關外
相思春晝長

送春寄中大司成同年三首

臺官無事諫書稀
花落紛紛絮又飛
昨奏玉皇猶建白
鸞膠直欲續春暉
我送春歸春欲歸
明朝相別思依依
胡然不學人間住
纔學人問便是非
君家別墅漢江莊
花月春秋共作荒
惆悵花時歸不得
趁秋歸去釣滄浪

三用前韻寄金侍御二首

燕山行邁憶吾曾
往事追權不可能
奉使我非稱使使
為丞君不負丞丞
悠悠歲月頭將鶴
歷歷江

山眼似鷹昨夜燈前讀行錄新愁舊恨亦相仍
山中三徑往來曾今日欲歸歸未能自有山林真
宰相不須鍾鼎作疑丞歸歟敢學三藏兔去矣終
同一飽鷹聞說北山會獻議功名長愧喜因仍

聞河豚已上悠然起興有作

漢江江上三月時細雨桃花漲碧漪好是河豚方
有味扁舟歸去悔遲遲

閑中即事

破帽籠頭獨坐簷閑燒榾柮整書籤落花滿地紅
相襯飛絮穿窻白亂翹鶴髮梳殘風滿袖鵝經寫
罷日移簾憑闌徙倚無人管誰識吾居吏隱兼

書懷

家僮曉報雨新晴起視長安花滿城直欲策驢山
下去雙柑斗酒聽黃鸝

老牛嘆

老牛老牛何鱗鯨瘡背血殷烏盡啄田家近日催
春疇耕兒叱驅真不休歸來長夜不充肚水冷箕
枯亦少豆明朝且復事石田羸瘦可堪受鐵鞭生
來為人力穡事力盡置身無寸地君不見淮陰興
漢多奇功飛鳥已盡俄歲弓老牛老牛功亦成桃
林早放休就烹何不學鼠竊大倉飽肥不暇寧憂
傷

即事

光陰閃閃老蹉跎生理蕭條事漸多老婦辛勤與

小婢蠶稠爭奈葉稀何

四月初一日即事

空齋獨坐淡於僧客至從噴喚不應遮莫見曹無
事在裁以小紙學糊燈

安同隣送芹菜溪魚謝之

杜陵窮老鬢如絲鮮鮒香芹喜有詩我有同隣憐
我老一時滋味兩兼之

次韻孫同年拜孝見寄

七休亭在何許中有上世義皇民終南山青未了
其下寬閑寂寞濱不是弊廬歸孟浩不是自家孫
真人先生吏隱長盤桓高義更與齊秋旻君看世
事等炊黍功名自不同積薪是非得失俱兩忘蒲

懷拍拍渾青春過眼紛紛幾桃李晚節亦復期松
筠當年烏府腸似鐵羨譽至今磨不磷明朝賞蓮
傘雨去相對拍手一笑新

初夏即事

清和四月續春天花落無聲細雨邊綠蒲池塘無
一句山禽何事聒吾眠

小樓即事

濃綠如酥擁小樓雨餘天氣淡於秋茶蘼狼籍薔
薇老不管風流只管愁

憶村家

梅迎今日雨麥送故園秋最識還家好那堪作宦
愁江山雙蠟屐天地一魚舟歸去知何日吾能昨

夢遊

詠筍

好風吹筍亂抽簪忙待西園作竹林細雨幾番能
幾大出墻今見玉森森

奉送江原朴觀察使捷詩三首

明時敷歷仗豪英黜陟仍兼節制行南國幾人思
蔽芾東關一路屬澄清輟班頓見虛前席宣化行
看慰遠情且識經綸曾有手更從黃閣蒼蒼生
閑東人說勝湖南使節風流興政酣細馬若齋傳
盛事蘭舟朴相播清談四仙臺下山如畫三日浦
頭水似藍韓鉞謝詩渾細事棠陰幾處永留甘
鐵関分作嶺東西歸路如絃傍海低地近棄堦看

日出天隣楓岳望雲齊尋常案牘歸盤錯次第江
山八品題何處停驂能憶我海棠紅襯鷓鴣啼

初夏即事

小草蘆纖簇暖沙陰陰高樹得庭多日長深院鶯
聲老閑倚晴窓數落花

題畫

仙臺在何處隱映見丹丘遠岫頭頭出長江面面
流閑雲白粘樹斜日紅滿樓晚泊客未去一汀芳
草愁

有以小屏求題詩者書屏後

朝日暉暉竹滿亭烏紗半頂鬢星星蟾蜍拂滴蓄
薇露磨了香臍寫小屏

寄七休亭孫同年

終南山下七休亭來往何曾有白丁最識先生蕪
吏隱朝烟滿袖讀黃庭

知子如吾酷愛蓮方塘半畝葉田田古來材大難
為用何必開花大似船

江湖歸夢十年愁去住悠悠已白頭為報七休休
笑我可休休日未休休

園中即事

閑花飛盡樹重陰閑興閑愁兩不禁簾捲南薰坐
終日蜻蜓款款蝶深深

題青山白雲圖

挿天樓閣跨飛鶴滿壑松杉吟老龍欲覓仙區不

知處青山萬里雲萬重

蓮塘即事

如何病骨惱陰晴白髮新添四五莖一覺十年湖
海夢快聞荷葉雨來聲

戲荅平仲

平反臺老敢吹疵慷慨澄清倍昔時為報韓山知
此未臺評肯許外人知

淨業院住持比尼挽詞

早悟無生妙歸真脫屣同維摩非是病法喜本來
空萬劫灰猶黑千燈焰尚紅人間那久住兜率有
天宮

贈專上人

烏臺老憲鬢如絲移病高吟日午時欲識升平封
事少半簾微雨對僧棋

即事

小雨初晴潤似膏黃梅肥盡繭新綠小娘睡覺渾
無事白紵裁衣響剪刀

送閻上人還龍門寺

回首龍門插碧天招提一路細於絃携筇又入烟
蘿去四月山深屬杜鵑

驪江來往十年曾悵望龍門不一登已作晚年蓮
社計丁寧有約話青燈

奉寄盧贊成

思慎

三首

露梁水漲鯽兒肥昔與君歸今未歸白髮求閑閑

不得平生十計九還非

去年孤艇廣津潯烟雨蓬窓酒滿斟昨夢晚山馱
醉過不知身世栢臺深

日日思歸未有期縱歸未及麥秋時丁寧又作尊
鱸計細雨孤帆去不遲

廬山瀑布

廬阜青堆入紫烟半空晴雪響飛泉銀河一派知
誰送天遣蘇仙和謫仙

蘭亭禊飲

多少文星合酒星永和人物數蘭亭清虛誤晉非
君事莫比王家有寧馨

富春垂釣

萬壘白雲萬壘山一灘流水碧潺潺早知不願劉
家事也合終身老釣竿

西湖泛舟

西子湖邊十頃秋雨奇晴好兩清幽風流小舫移
時纜樓外青山散不遲

園中晚啗

矮亭幽獨一園深仕罷歸來坐樹陰宿雨未晴雲
自開晚風初定日將沉從教竹露衣巾濕付與荷
香杖屨侵且待東岑新月上小娘纖手更鳴琴

一菴屢訪訪必索詩才窘未易塞命今日索
之甚苛走書數絕贈之幸轉示景醇重卿一
二同志和教

老烏聲噤已多時霜滿襟懷雪滿髭欲賦歸田書
未就山僧何苦索題詩

升平無事策何勲不用朝回諫草焚老不休官吾
正坐為吾先欲奏彈文

若不還山謾說山何人知我宦情闌急流勇退那
無相為報高師著眼看

入山長恐不深深此意蹉跎老病侵知有上人三
昧手劈開茅塞十年心

移病二首

趨衙長日事移病暫時閑隱几猶黃卷開窻忽碧
山小風生樹樾久雨長苔斑與世多相齟輪蹄少
往還

功名迷出處山市異忙閑
捷槁思東郭移文愧北
山顏因公事瘦髮為苦
唵斑落日憑闌外長天
倦鳥還

風雨圖

急雨顛風何處來
行人脚底一聲雷
問渠何不閉門
早中道蒼黃足冷
哈

風雪圖

老樹槎牙葉盡枯
滿山飛雪白模糊
蹇驢詩興能多少
白酒紅爐憶也無

次韻送印上人之曹溪山松廣寺

頭流山屹鎮南交
曹山相峙烟霧膠
昇平古郡百濟寺
松濤滿壑聞天籟
白雲黃鶴天悠悠
斷碑零

落星霜遙至令勝跡
說惠師聞師住訪歸
興搖六花飛飛簷
葛林自有世界真
瓊聊湖南古說小江
南此地第一山水饒
我亦青滕白幘在
欲往從之山路迢
最憶山中冬白花
臘月滿開香風飄

哭金通訓

半面會相識平生福
履長官躋三品秩
壽到七旬強玉潤
已麟閣金籬會省
郎浮休常事耳題
挽不須傷

李次公借鳳翔花採送數十本兼寄以詩

紅白朱殷五彩明
何人喚作鳳翔名
殷勤為說花枝送
不獨鳳翔已鳳鳴

夏日

苦熱能鎖骨空齋坐拄頤雲巖雷殷殷山送雨絲
絲蟻戰初酣後鶯啼欲暮時関心無外事快意有
新詩

用前韻

人情皆腴面世事難措頤不用泣和璧堪嗟悲墨
絲覺非追昨日救弊要當時矍鑠真無用蹉跎正
坐詩

朝回

金陵初旭暈紅濤紫殿沉沉拱赭袍螭陛東西分
仗衛駕班前後列官曹公卿自古收名望臺諫由
來用俊髦文物百年全盛日不才何幸忝逢遭
雨後小塘即事

雨餘新水漲如藍萬縷垂楊露碧毯兩岸菰蒲深
不見不知身世是江南

僧一菴來請談棋

僧來長喚欲談棋慵拂棋奩故故遲當局不迷終
古少輸贏勝敗竟何為

登樓

殘年身世仗枯藤緩步岑樓試一登落日半山斜
隱隱暮雲千里倚層層已携沽酒南隣客更倩談
詩北寺僧小坐擬看山吐月晚風吹我髮鬢鬢

即事

芙蓉花上雨絲絲獨酌新酣欲睡時且問小娘消
底恨手將金杏打鶯兒

睡起

欹枕卧南軒急雨響疎竹夢覺廣津灘夜月翻石

林塘

山水灣環綠拍堤菰蒲不剪與欄齊一雙胡蝶深
深見兩箇嬌鶯恰恰啼得雨病薑頻換葉近池枯
柳自生美輕衫小簟烏紗帽坐對荷花晚興迷

積雨

頗怪經旬雨難禁積日愁流光歸白駿高價入青
芻輒坤悲泛梗江海憶歸舟好在南樓月今宵得
見不

即事

池樹交柯爽氣澄浪揮蒲扇坐杯藤莫教臺吏來
相見錯比寥寥結夏僧

對鏡

對鏡不須空鑷白開爐自可學還丹萬事無心卧
高枕且問落日餘幾竿

六月十六日夜積雨新晴見月欣然有作
黑雲捲天末白月上山頭已有登樓興都無破屋
愁蓮塘消酷暑竹塢易高秋久鬱今何在幽懷不
自休

暴雨

雨脚垂天白似杠瓦溝流水響春江柳陰打罷鶯
聲一葉岸敲驚鴨睡雙動地豪聲能撼屋隨風猛

勢亂穿窻須更平地江湖漲寒鬢蕭蕭骨欲雙

漫書

世事三义路心懷八達窻蕭疎空病骨有酒只盈缸

奉次洪兼司成翁字詩韻五首

我曾年少君未翁三紀如今一夢中姓字輸君先
桂榜功名讓我長芹宮衰髯互持看來白舊面相
逢坐對紅往事南臺能記未滿山晴雪月當空
玉色臨雍講異同當時論難成稱翁情知德望師
儒表喜見邦家遴選公韓愈諸生招館下陽城太
學播朝中斯文砥柱如君在已見狂瀾障必東
以纖當日愧臨洪多子英才樂育功道德瞻前還

在後文章肆外且闕中從容自有三千弟風詠寧
無八七童從此不憂官長罵講餘扶醉學山翁
冠帶橋門是會同談經我坐霸嚚翁自知種種頭
先變人笑便便腹已空牛馬襟裙真不學頓鈴教
誨竟無功聖門終古多狂簡不識何人是互童
聖貌深嚴仰闕宮鱗鱗膠序接西東圓冠矩屨青
衿子博帶褒衣白首翁佔畢呻吟寧費日張皇補
苴竟多功如予短拙叨承乏頭腦雖冬亦自烘

遇滂

橫流江海曾嫌溢暴富池塘為戒盈天意人心難
自料耕時欲雨艾時晴

淵明歸去圖

依稀三徑義熙中今日歸來一笑同報道春風五
柳絮莫教飛落寄奴叢

伯牙我洋圖

流水高山合自然道存目擊不言傳世人豈識知
音處不在焦桐不在絃

謝辛庚兄送朱李

朱李佳無敵瓊漿味自甜君無鑽核意我避整冠
嫌

用三翁字韻錄奉洪兼司成九首

小小托契南陽翁呼我少年謫仙翁相對樽前笑
拍手無髮翁皆白髮翁

我本起家田舍翁談經長愧聒嚅翁同僚喜得斯

文老人比紫陽無極翁

烏臺承乏何物翁緘口無言如艾翁頗愧期期周
御史何心更學蜜翁翁

欲問海上狎鷗翁亦有避世紫芝翁明朝拂袖我
亦去不是溪翁即山翁

壺中橘中皆有翁何樂復得如兩翁囊中亦有飡
玉法何不學仙為病翁

文章大家是涪翁今日繼躅無乃翁老物何曾具
眼者評點會學劉辰翁

六一居士號醉翁文章出自昌黎翁功名事業少
前輩後身亦有燕幕翁

處世無如彭澤翁去作松菊主人翁畢竟得失齊

物論會當往問南華翁
有非翁對無是翁是是非非翁若翁世間萬事一
戲劇造物兒耶造化翁

奉寄吳同隣

泥途困騎馬積雨幾時乾歲月熟羊腓功名吞鼠
肝高人欺俗客隱士傲臺官每欲相尋訪其如白
眼看

睡起縱筆

東華黃塵萬丈強我有白髮爭低昂衫袖龍鍾帽
如屋馬背盡骨晨昏忙悔不歸田計已早昨夢還
家縱幽討門前白水潤於酥樓外青山淨如掃

晚涼

粼粼槐影漾寒池紅藕香涵笑語時卧納晚涼伸
小脚葛冠全勝豸冠危

奉寄姜景醇判書三首

名將由來出大儒一身雙美到君無龍韜虎略名
司馬金匱玉堂筆董狐經幄從容資啓沃明廷賡
載竊都俞十年依舊臺中栢噤口無聲愧老烏
往事鸞坡歲月深相逢却怕雪盈簪詞頭猶記葫
蘆樣卷裏長留芍藥吟勲業至今攀驥尾聲名當
日謝牛心莫言天下無知己流水高山自有琴
不為後生學染髭故人樽酒喜追隨平生知我有
鮑叔到處逢人說項斯菡萏池塘風軟軟葡萄院
落雨絲絲頗嫌白日流光短挑盡閑燈細話詩

苦雨嘆枕上作

苦雨嘆苦雨嘆我嘆苦雨何時乾今年大雨去年
同白浪拍拍連長空江翻海溢憂懷襄丘陵變作
魚龍鄉平田渺渺禾稼多祇今露骨為白沙去年
害稼民未粒死者相枕生者泣今年害稼一至此
民靡孑遺而後止雨勢相續如翻盆終日厭聽通
宵聞我無籌策誅蛟龍拔劍斫几空提甬空提甬
何可得晨鷄無聲雨復作

林塘即事

炎蒸無處避獨坐面庭陰急雨損紅藕晴雲呈碧
岑苔痕侵屐齒竹影落琴心老病交遊少濁醪時
獨斟

久雨巡園悵然有作

展齒斑斑印淺泥短筇閑步小園西
年來無復前年與久雨殘蔬不掩畦

再用前韻答洪司成五首

休將往事惱閑翁猶記風流雪月中
金地小河銀色界珠林樓閣水精宮
親明零落將衰白身世莽忙尚軟紅
頗喜淡交清似水唯餘詩思謁春空
不分成均講席同斯文重望感推翁
拒榮有講逢非晚韓愈於師說至公道
統流傳千載後英材涵養百年中
不才幸值文明際奎璧會聞聚井東
乾坤萬物自纖洪生育無非造化功
人物孔顏陶鑄後詩書燕洛範園中
鄒賢自任排揚子宣聖還

容進互童萬古斯文期不墮不知傳道屬誰翁
平生心事愧雷同萬古知音只此翁壯志南鵬鯤
已化高才北驥馬皆空乾坤日月依黃道微蓋星
辰拱紫宮自顧聲名非涑水何曾姓字到兒童
少年才調建章宮晚節光陰水自東處世無如張
酒酒論詩莫學蜜翁翁聖朝誰數狂踈客昭代會
微細碎功萬事敢求溫飽外瓦盆濁酒煖如烘

曉起池漲有作

為憐荷沼護新堤暴雨通宵意自迷且問水高今
幾尺家僮走報與蒲齊

蓮塘即事

池面澄澄玉鏡寒紅香綠影拂輕闌雨奇晴好知

誰領喚作西湖十頃看

謝安同隣送青芹白葱

蔬食甘吾分膏梁不自謀芹青宜病口葱白愈風
頭細切調甜醬閑烹揉滑油平生聊自足何羨鯖
五佳

詠書帶草

笑汝書帶草何曾一字知似我竊虛名相對頗相
宜

二用前韻答洪司成五首

一
余矍鑠已成翁白髮頻添曉鏡中縱有頑軀非
木石慙無妙律合商宮深杯引處俄浮白高燭燒
時幾剪紅邈迤真成文字飲何須吐吐坐書空

樽酒逢場一粲同，兩人相對已衰翁。世間無計紅
顏駐，天下深知白髮公。付與光陰詩卷裏，儘教芳
臭簡編中。長官承乏，慙非分文，教如今盛海東。
聖澤無私，雨露洪優，昭代策何功。江山三昧詩
三上天地，一閑酒一中細字，蠅頭嗟眼暗，破巾烏
角愧頭童。功名自顧封留足，歸去終當學釣翁。
今年天氣，去年同，獨坐無言一病翁。積雨浪浪穿
破屋，驚濤拍拍浸長空。經旬移病，關柴戶，多日趨
朝阻藥宮。時憶高陽酒徒在，後生今復謝終童。
回首田園一畝宮，十年名宦走西東。神工已謝暑
牛坦，世事須論失馬翁。名教由来多樂地，乾坤自
古乏全功。滿窓風雨人來少，古篆燒香火尚烘。

夢覺有作

家在廣陵江水明，風吹一拖古垣城。忽回枕上還
鄉夢，雨滴芭蕉夜五更。

即事

宵中襍積幾般事，世事盤根無斷時。捫虱青山坐
無語，小風顛帽吹復吹。

曉起

連旬苦雨放朝參，鷄正三呼睡正酣。小妾不知衙
早晚，曉窻初起熨朝衫。

掩門

十丈泥深畫掩門，一窻風雨正昏昏。黃梅落盡紅
蕖瘦，鐵鑄精神亦斷魂。

四首詩集三
雨中寄一菴萬德兩上人

上人昔在津寬山石徑牽確連松關香茶軟沱慰
我行白幘青鞋時徑還上人今在興天寺蒲團竹
扇邀我至時我負罌紅塵中何會側榻容軒睡萬
德長老舊相從結社早擬陶惠蹤佛岩山中曾卜
地奈不謝此塵緣濃長安六月雨浪浪平地水深
三尺強相思一夜燈花落兩師正在興天房

寄金僉樞

石山

居振威村墅

從來軒冕誤人多雙鬢龍鍾可奈何羨殺山林真
宰相青雲迥隔白鷗波
十年長愧北山文悵望田園幾斷魂知子惠菘真
有意種來看得長兒孫

以病辭大司憲不允

自有踈狂態都無諫諍姿事將時共變病與老相
隨投散甘吾分包容荷聖慈悠悠物議細和伐
檀詩

再用前韻答姜景醇判書

門闕菁川世有儒箕裘勲業古應無傳家玉樹思
安石歸院金蓮憶令狐劔履幾時紆漢寵笙鏞多
日荷虞俞如子鄙拙慙攀附始信人情屋上烏
兩榜肩磨分已深當時佳會盍朋簪衰遲無復青
春事珍重難酬白雪吟臺閣曾騰連歲夢江湖辜
負十年心何當更約西湖上君作梅荒我抱琴
甲枝天上摘如髭萬里青雲脚底隨步武看君真

若此頭顱知我政如斯董戎今見六花陣演誥曾
看五色絲制作盛朝追大雅憑君欲賦穆如詩

芙蓉

芙蓉生小水水淺不堪揭採之豈不難却恐傷根
帶今朝積雨霽頰色增美麗迢迢若耶溪採採邈
誰繼兩脚鼓板扉聊以代鼓柝

四佳詩集卷之二十

四佳詩集卷之二十一

第十四

詩類

三用前韻答姜景醇判書

納納乾坤一腐儒自知如蟹已腸無飛難有翼追
黃鵠價不同裘集白狐四海虛名孔文舉一生拙
手梅聖俞老病孤寒真自笑可憐六歲只童烏
瘦面崢嶸病骨深百年身世誤朝簪匡郎上疏亦
云老揚子解嘲空苦啗白髮已羞簪筆寵青山曾
識掛冠心秋風已動尊鱸夢明日歸舟載酒琴
曉攬青銅鑷二髭居然悲喜兩相隨一生知足思
榮啓萬事當頭鑑李斯歸興狂於綠楊絮閑愁密
似黃繭絲誰知杜老思君意一飲區區不廢詩

積雨

積雨頑生脚新晴快在心年衰唯信杖髮短不盈
簪花草幽蹊靜茄瓜小圃深田園空歲月松竹入
長吟

次韻李次公見和四首

槿花籬落映清溝門外雙溪碧玉流夢裏還家歸
不得一江烟雨滿漁舟
昨夜南塘水拍堤飛來翠鳥已心迷雨餘所得能
多少點檢園筠與屋齋
久雨簾櫳燕子寒殘紅無數撲雕闌慙慙好種庭
前菊留待秋香晚節看
到得看詩眼孔明持杯自可破愁城邇來廢酒詩

無廢挑盡閑燈月四更

記六月二十八日夢

我夢神人試秘術快手鍊得青黑鐵長作利劍編
作甲須臾變化如霹靂手提我耳挈我面好語一
一陳歷歷曰我身長三丈高說得姓名最明白萬
靈護衛呵不祥明神所惠心默識我拜稽首謝神
人錫我百年無百福

李次公用僕贈一菴專上人詩韻題寄次韻

五首

病餘頽面異前時時攬青銅鑷白髭小妾相看拍
手笑翁衰無奈坐耽詩
古篆香煙學細雲一簾清雨退炎焚世事筭來無

上策低頭細讀北山文

朝來爽氣滿西山半頂烏紗倚小闌山色悠悠似我意也宜拄笏盡情看

綠槐風靜影沉沉清簟踈簾暑不侵欲夢江南成

鬢睡小鶯啼破故園心
僧來聯句客來棋閑裏光陰不恨遲老病事多不如意人生名宦果何為

聞從兄秦叅議有經下世是僕甲子同年也悠悠百歲似風狂五袞居然兩鬢霜一榜親朋皆鬼錄滿朝昆弟半仙鄉今春屢得音書喜此日翻懷緜翼傷南向幾回聲痛哭那堪落月滿空梁
即事

藤牀竹簟曲欄邊懶閱殘編枕肘眠何處紋紗送飛電一聲驚破睡鄉天

病中書懷奉寄牛溪李姨兄

臺務如雲病不堪一簾清雨睡初酣百年身世龜藏六萬古人情狙怒三白鳥蹉跎多日夢青燈牢落十年談牛溪漁艇秋波滑好在尊鱸滿意探

偶吟

茆簷將落日僻巷少人過風定鳥藏樹波恬魚動荷踈簾山色滿老壁雨痕多雅興憑誰遣詩成信口哦

再用前韻

花妥風初靜池明雨更過玉聲敲亂竹扇影撼圓

荷籬菊移初晚庭莎剪復多一杯聊自樂五字為誰哦

三用前韻

事本從頭起年曾瞥眼過節高憐苦竹香歇慨殘荷池淺觀魚易簷虛得月多消盈知物化空復費吟哦

四用前韻

功名身外事歲月夢中過擬欲栽桃李何須製芟荷効何曾一得學已愧三多老境安排法無心袖手哦

五用前韻

自有居瓢樂人無載酒過微風颺青柳急雨鳴綠

荷瘦腹圍新減衰髯鑷更多看書能引睡除却此嗟哦

以病不赴臺者數旬戲作

烏臺承乏分非宜時或狂言解客頤解自觸邪非識字鶻能擊物是良知椒雖合口口應粹鳳不長鳴鳴更竒病未趨衙增慷慨傍人莫笑上書遲

題學一詩卷

從來萬法皆歸一珎重千峯為指南要識當頭在何處師乎著眼七斤衫

寄隣兄吳丈

去年耆伯騎鯨去今日叔衡駕鶴歸只有西隣吳長老相逢話舊淚霑衣

次韻吳丈見寄詩韻

吳公吳公真可人早歲投紱為逸民年來宦海多
風波獨自明哲能保身牙籤萬軸書滿屋甕裏盎
盎長青春人言城市有巢許復道名教藏潛倫香
山九老行可曷屈子蘭佩非所紉東隣樗老鬢如
絲詩狂往往能相親欲把青銅照肝膽百年萬事
一笑新

立秋

過眼跳丸日驚心落葉秋家貧猶足樂官盛亦窮
愁已坐簪纓累都緣口腹謀田園祇攬興天地入
搔頭

次韻金僉樞石山寄詩兼送新粒

秋入江村興味多有田不去可如何寄來得見長
腰粒軟飯香炊滑似波

十年歸夢繞江村白首臺端坐舞文誰識田家真
樂在鶴曾生子犢添孫

蓮塘對客小酌

獨愛寒塘淨俄逢好客過為呼聖人酒相對君子
花紫鯉或翻藻翠禽時浴波晚涼涵笑語半頂岸
烏紗

讀漢史

鹿失悲黃犬龍飛斷白蛇青鸞來漢殿紫燕啄皇
家金馬嗟安在銅駝恨轉加曹瞞是何物天地已
分瓜

本府齊坐以病不參三首

烏府重來飽鬼叅含糊立仗已多慙彈章時或乎
公論準擬前賢作指南

諸公直氣正稜稜志切澄清更糾繩頭上多慙簪
白筆鷹揚鷲擊果何能

臺栢蒼蒼凜似霜狂言欲發愧烘堂生薑漸斲生
梨脆袞袞相逢侍御郎

禮曹六郎藏魚洞稷飲圖

天上六符皆文星鍾竒孕秀儲英靈一時來作人
間祥南宮清絕同為郎兩手抉得天潢來文章粲
爛光昭回南宮於序為春官制作禮樂明朝端古
說負外瑞錦窠雄筆照映金盤陋朝廷有道好青

春大平無事多暇辰蘭亭稷飲知幾年羽觴流水
今依然藏魚寺前山似拭遮日巖邊草如織金樽
白日開懽娛長鯨吸盡滄溟枯少年行樂當及時
丈夫功名寧得遲送君袞袞上臺閣白頭故人措

病目

題茂松府院君尹公所藏大明奉使金大僕

混所畫十疊屏風十首

梅花

遜盡羣花獨後開巡簷索笑幾徘徊看看已被幽
香惱次第調羹入手來

雲竹

生來直氣已凌雲所性何曾曲處存知有歲寒同

調在茂松高處又逢君

雜草

無名小草滿幽蹊隨意無人綠更齊不用池塘費
春夢却來屏上看新題

葡萄

誰教引蔓走龍鬚復綴眠驪頰下珠馬乳分明堪
手摘不知能解渴腸無

折竹

莫怨狂風吹折枝夜來添箇籜龍兒堂堂已抱干
霄志大節分明天下知

外

檀欒愛此兩三梢復見生孫已錦苞昨夜春風能

起螿請君來看化龍蛟

石菖蒲

丹丘何處種靈蒲九節如龍絡石癯百歲顏齡如
可制圭刃能復乞吾無

蘭

光風轉轉泛崇時清露增露九畹滋馨德已為人
所採遺芳遺臭可前知

青山白雲

尖靴矮帽愧龍鍾宦興都銷歸興濃悵望江南是
何處白雲擎出兩三峯

松

蟠根瘦幹歲年深聳壑昂霄只此心却怕狂風渾

落子旋來屏上起龍吟

秦叅議叔衡挽詞

會同耆伯出東城箭串郊頭送叔衡耆伯去年還
夢蝶叔衡今日又騎鯨星辰落落悲親舊秋鴈依
依失弟兄那識東城是死別竹溪南望淚傷情

送仲息上人遊楓岳仍之五臺山

師行何處非青山行處白雲相與閑踏盡莓苔石
徑滑也逢一笑開蒼顏

五臺山接金剛山白雲滿地猿鶴閑叅遍歸來一
相見呵呵拍手能破顏

宦遊馬骨高於山百歲一日都無閑愛爾東西與
南北愧余未洗紅塵顏

謝李村老寄美梨 名詠

香梨肥軟更含消京市今年價自高珍重故人頻
寄送嚼來轉覺舌翻濤

雪岑來求詩

聞說鷄林筍蕨肥年來不復送師歸煩師莫近人
間住久近人間惹是非

雨入山中水正肥人間流入不還歸山僧不似山
中水萬事人間無是非

仁山府院君洪相公 允成 奉使翰天陳內朝

鑒有送別詩并序使還鄭河東鄭蓬原申高
寧崔寧城諸相公皆有和詩僕亦奉和六首

英雄遭遇本多奇一謁光陵受聖知纔見青雲起

平地旋扶紅日出咸池奇謀帷幄良平得大業經
綸魏丙期麟閣策勳誰第一堂堂文彩蓋當時
功名將相笑談中黑髮釣衡少似公上國揔知賢
宰相遠人爭說舊南宮黃扉事業規模壯紫塞風
雲氣勢雄出入多時紆睿想姓名知已到兒童
間氣乾坤挺世英文星曾與將星明謫仙才調三
千首小范胸韜十萬兵雨露金甌尊上府山河鐵
券屹長城三朝翊亮扶元氣陶鑄生靈見大平
重來穩步坐三台奉使明廷屬大才天襯燕山擎
表入雲開鳳闕侍朝回海東人物驚中國天下聲
名照後來內翰文章褒盛美已教名姓動瀛萊
傾海堂高揭繡簾金樽日敞酒頻添長鯨吸盡滄

頃倒浮蟻渾承雨露涵雅興東山能自鎖風流北
海頗相無地靈人傑如公在文物升平入勝談
春官三載忝僚儕禮數從容笑語開夏日畏蕪冬
日愛小巫還謁大巫來深堂幾得厭厭飲劇醉仍
教緩緩回攀附龍門真不分至今東閣許追陪

八月十二日入直忠勳府

入直持青被宸居近紫樓風聲連上苑月色欲中
秋聖澤深難報虛名老可休悠悠渾不寐坐待報
鷄籌

向曉驟雨用前韻

陰雲轉侵曉驟雨急經樓颯颯頭會雪淒淒骨亦
秋多時霑渙汗何日許歸休已乏經邦手為臺已

拙籌

種鬱金草於庭除秋來莖葉茂盛可愛

後庭會種鬱金香葉大芭蕉子大薑到得秋來尤可愛沉沉翠影拂簷長

八月十三日夜雨二首

蕭蕭晚雨弄清秋欹枕通宵聽不休我比杜陵愁更大紛紜臺務捻成愁

攬鏡深悲兩鬢秋功名奔走幾時休悠悠又起田園想艾欲祈晴自在愁

送誼上人還水多寺

會聞水多寺今復送高禪僧錫住無住祖燈傳不傳珠林閑世界金地好山川倘可相尋訪三生結

穗烟

幽屏

功名汨沒餘幸此事幽屏隱几文字間花草生晝暝聊得此身閑亦復此心靜庶可開昏煩健倒一枕茗秋雨忽西來衣裳覺淒冷反觀我靈臺萬古長耿耿

謝同年金經歷送瓜二百顆四首

奔走功名兩鬢華靴尖綻盡帽簷斜多君早得田園興何處青門不可瓜
秋風昨夜入柴扉已向黃臺摘更稀珍重故人分惠意故園歸思重依依
滿眼新瓜碧玉香甜於崖蜜冷於霜十年長抱文

園渴爵破渾能沃熱腸
為君長詠北山移入谷鳴騶定幾時
世事功名嫌納履悠悠歲月又瓜期

送李參判克墩朝天二首

大闢明堂洞八窓百年文教洽東邦
聖辰更值虹流渚使節初經鴨綠江
薊北秋山隨去馬遼東曉雨濕行幢
誦詩專對真能事聲價曾踰白璧雙
憶曾躍馬過并幽老病如今白了頭
孤竹國前山自峻黃金臺下水長流
會同得覩雙龍闕才調深慙五鳳樓
燕市幾回沽酒醉送君情況更悠悠

尹淡叟寄蘭竹畫簇二幅

清風孤竹傳落日澧蘭辭玳重故人
意秋來多所

思

聞鄭醴泉宗周下世痛悼有作

中年君已病纏身蹭蹬功名已後人
廬母三年增慘慄叩盆當日損精神
沉疴轉劇嗟何及大夢俄驚事已塵
惆悵慙無復叙龍城南望淚霑巾

尹參贊向出按江原道成獨谷李騎牛以下
諸公有詩計今六十餘年外孫江華府使申
公裝潢為軸求詩薦紳間為題四十字

坡平推闕闕參贊仰儀形北闕承恩露東閣耀使
星簪纓傾餞別詩什動英靈宅相當朝俊家聲繼
德馨

寄慶尚道鄭監司

如何臺務日紛然碌碌因人我自憐萬事到頭聊復尔祗堪長笑不堪傳

寄具牧使大丘村墅信忠

悵望家山那箇邊丹岩歸路夢相牽雖無季子三間屋只有蘇君二頃田我獨空嗟懷上賦君今先詠卜居篇何當乞骨還鄉去同醉琴湖月滿船

送行上人遊香山

訪道年來飽遠遊打包行色吟於秋香山白接雲山去淚水青連薩水流到處禪師稱虎背誰知尊者是蛇喉他時叅遍歸來後好借金篦刮膜不

自哂

已是胡為不知足到頭未必勝當頭人言老物三

二去自識平生四可休轉燭光陰真閃閃吹竽身世亦悠悠投閑置散誠吾分獨有何顏謾滯留

偶作

栢府衙初罷茅亭坐獨吟分明方寸地端的古人心雖作焚岡玉慙為繞指金清宵渾不寐纖月落風林

又用前韻

補闕真難事彈章費苦吟行非孚國論動已忤人心一點曾慙馬三緘不學金空懷少年事虛譽滿詞林

又用前韻二首

簪紱誤人事江山動客吟清貧空到骨閑適不如

心竹踈千竿玉江春萬頃金家山頗入夢倦鳥已
投林

漸覺秋宵永閑共蟋蟀吟蹉跎今日事偃蹇百年
心三別何須璧四知自有金青銅怕相照白髮鬱
如林

絕句

薄雲含雨過寒塘枕簟淒淒逗晚涼客子不來入
政靜也宜燒燭引杯長

僧雪峯來訪

峯也久相識頻來訪小堂顛詩似老漢嗜酒如渴
羌竹葉晚增翠菊花秋更香冷渠多善幻談笑亦
逢塲

成均館正錄來告九月九日都會

百年文教已栽培都試年年九月日開蒲座斯文皆
藻鑑一庭多士搃英材鍊金自古稱高選穿葉何
人是俊才承乏胄庠慙不分每忻佳會忝同陪

寄趙提學村墅

功名汨沒白吾頭落日思君更倚樓我自不歸歸
便得廣津烟雨蒲漁舟
白簡皂囊憂亦是紫蠲黃蟹樂應真山林朝市由
來隔惆悵當年未去人

家眷向廣津村舍拘於職事未去悵然有作
夢村村舍小於蝸我送卿卿思若何園圃已收梨
栗足江湖復喜蟹魚多揚帆入浦多時夢著履登

山幾日過頭上多冠能誤我尊鱸已負又黃花

憶福慶隨母歸夢村

不見今三日相思倍十年鍾情因我老發願望渠
賢江上有茅屋山中多石田傳家唯此物準擬作
青氈

復用前韻寄吳丈

天生萬物靈者人聖賢有意橫目民達則行之窮
則蔽出處豈不由吾身先生早年從功名杜門不
出三十春滔滔世上迷乾沒似君高義超等倫四
佳老人走塵土兩鬢雪白紛如紉踈狂故態今猶
存與世齟齬無相親明朝訪君作重九白酒已熟
黃花新

雪岑為山上人索賦山中四時景大醉走書

四十字以贈

山中四時樂山也心自知花與鳥相悅水從雲共
遲秋深過鴈後夜永燒芋時萬古一彈指流光真
若茲

高靈府院君申領相孫子三人同中進士漢

城試第一第二第三詩以為賀

三顆聯珠叔仲昆一時榜上策奇勲傍人若問渠
家世上黨高陽內外孫

送一菴歸海州又遊江華

上人今復事西遊西海邊頭去路悠鵠嶺萬松將
落日首陽孤竹又清秋白雲幾訪前朝寺明月閑

登古驛樓隻眼江湖通行脚江都何處泊孤舟

送梁中樞順石出尹慶州四首

出尹東都廟議僉金章紫綬映行幃西閔蔽芾人
爭慕南郡循良我已占政以猛寬惟可濟才於文
武自能無河中借寇終難得殷鼎應須傳說蓋
人言刺史古諸侯何況鷄林是大州人物繁華猶
故國江山佳麗自清遊青娥皓齒圍哥席紅燭絳
紗擁畫樓戟寢凝香晝無事習池來往亦風流
白髮吾今戀舊遊少年行樂夢悠悠瞻星臺老山
猶在半月城空水自流舞罷黃郎思往事吹殘玉
笛惹新愁倚風樓上會題詠讀記讀詩憶我不
慈仁縣裏有先墳梓樹青青鎖老雲何日焚黃能

上塚此時浮白更逢君政聲龔召尋前史人物朱
陳想古村我有亡兄妻子在長因地主謝殷勤

寄李僉樞靈光村墅名由義

盤中歸已早渭北苦相思未作退之序長吟工部
詩會逢賢嗣至為報好音知白首為名累投寇愧
自遲

秋晴

九月非佳雨快晴雨亦宜高樓涵夕景層樹戰涼
颼風霜催秋日田園未去時黃花祗攪我響屨過
東籬

社後三日

袂衣扶曉坐茆屋淨朝暉側榻容猫睡開簾餞燕

歸黃花計已熟白鳥盟政違多少脑中策不如去拂衣

花川君權公戒晚生子詩以為賀

克間佳慶入懸弧掌上方看五色珠我以暮年愛
紙犢知君此日喜生雛鳳猊為瑞何嫌晚豚犬雖
微却勝無湯餅何人能赴賀錦繡閑弄孟光俱
元白無兒世共悲晚年堪喜各生兒神駒有種姿
應異老蚌生珠價倍奇已識家門曾有慶莫言天
道却無知如君與我真同調戲續雪山海果詩
又聞花川焚黃于光山先瑩詩以為別
鐵券封君到峻班承恩上塚向光山先靈已感焚
黃去古老爭誇衣錦還須信邦家敦孝理好從鄉

里展懽顏甄城老尹如相問道我重臺鬢色班

奉荅江原朴監司

題跋曾相寄垂書慰所思閑東頻悵望渭北苦吟詩

次韻古城金太守二首甲詒

江山渺渺抄秋時千里書回慰所思昨又商山消
息到此堂無恙報君知
異政曾聞同渤海清詩亦復逼蘇州行看闕下徵
黃至那得河中借寇留

又酬古城金太守二首

北望關河道路賒秋風獨有鴈南多青衫作吏君
休怪白首為臺我自嗟鐵嶺迢迢連黑水玉閔渺

渺接黃沙為州亦復籌邊策少壯非勤奈老何
年來邊塞息兵戎鈴閣鳴琴樂在中已使雄文能
去鯨况看妙筆欲騰龍臨民有道宜存恕處物無
私只在公老我一生何事業虛名自愧坐雕虫

謝村人送芥子

秋芥人說敵膏梁野老情深寄草堂我欲九重仍
獻進區區此意耿難忘

扈從盤松亭親閱

雲幕高張接上蒼翠華影裏赭袍光旌旗高下龍
蛟動士卒精雄虎豹強躍馬打毬能逐電張侯射
鵠妙穿楊重瞳親閱天顏近催賜黃封雨露香
有贈雙鴈者

野人贈雙鴈剪翅放前塘得水偏相喜思雲可得
忘雖無繒繳患已被羽毛傷遣送寧無日前程萬
里長

秋日

劇官聊暇日小室得幽拙硯匣呼兒拭書籤倩客
題霜催荷破傘風攬竹喧溪搖落深秋思西隣正
午鷄

林塘

政坐為官累長懷未去愁深園閑似野別室小於
舟池水涵秋淨塘林帶晚幽無因三徑去自擬五
湖遊

寄趙提學秋廣津別墅

聽得隣人說我鄉今年荒似去年荒醫瘡自剜心
頭肉救死誰傳肘後方菜薺和羹甜有味菘菁入
粥軟生香知君獨得渾家樂白酒紅爐坐弄璋

晚吟

散步林亭晚移時倚短牆長林分暝色小水借明
光宿鳥驚新月飛鴻帶遠霜秋聲宜作賦才調愧
歐陽

小圃

今年小圃學樊須猶幸都城免納租老覓曾收編
馬齒生薑新長斲龍鬚芋能有子先供味芥已生
孫早入厨十口禦冬真得計膏粱雖好不須啣
青山白雲啣

雲自天然白山曾獨也青吾家在何處隱隱見柴
高

詠懷寄金侍御

憶昔為臺不勝官誤恩重到更何顏朝廷有道清
無事諫諍少姿老更頑自識黔驢空技短欲為俊
鶻亦才難晴窻坐和梅花賦冰雪精神鐵石肝

盆菊

黃花滿東籬呼兒汲水滋瓦盆移更好茅屋對相
宜冷艷僧同賞竒香蝶未知南山詩不要手摘花
金卮

秋日獨坐

屋頭初日炫霜暉瘦怯新寒却換衣忍見綠荷和

水冷時看紅葉受風飛青山捫風朝吟坐白水盟
鷗夜夢歸不待淵明去來日分明亦自悔前非

園中菊花盛開對月獨酌有懷次公三首

九月霜風吹弊衫破紗短髮白鬚鬚百年政值五
十四萬事無成百二三自折黃花頭上插更有明
月樽中涵時教小妾低聲唱獨酌亦能成大酣
自酌一杯復一杯舉杯問月月佳哉極知黃花有
妙色莫曰白醪無奇才俯仰乾坤耳生熱浮沉身
世心已灰西風滿袖立於獨猶有可人思不來
老不詩狂即酒顛只多天趣還自然曾中何會掛
一事天下亦知無百年如此黃花可明月自將白
眼望青天明朝有意抱琴到使我塵懷能痛湔

搖落

搖落秋將晚逍遙日抵年藥方因病抄花譜為閑
編宦拙同頑石家貧仰俸錢長慙為物役身世要
天全

送文化李使君

文興

芻角峩冠日牛刀試刃時絃誥應有效琴鶴自相
隨九月山前路六年別後思簿書多暇日為我酌
檀祠

洪同知敬孫病愈詩以慰之二首

知君氣味問何如聞道秋深病漸除石鼎剩餘新
藥餌棊枰雜置舊方書清羸尚復趨朝懶慎重唯
宜對客踈獨有黃花不可負相從直欲響藍輿

造物從來多戲劇，憎君矍鑠故沉緜。骨竒自可仙，同調道得何曾鬼。乞憐肺渴文園憑，酒解頭風工部寄。詩痊世間更有安心藥，惟靜惟閑可引年。

朝回

北闕朝參後，東門日上初。皂衣雙引路，白髮獨騎驢。早歲期三傑，殘年愧兩踈。還家何最樂，萬軸滿侯書。

秋日

秋風策策紅葉飛，萼老江南客未歸。憑闌目送南歸鴈，歸去應經我釣磯。

退衙

公事無多早退衙，西風吹顫鬢邊紗。曲闌閑立無

人見，獨對東籬黃菊花。

秋日即事

短日秋將盡，天高又落風。碧踈門外柳，紅暹水邊楓。江海孤飛鴈，乾坤一病翁。流光曾瞥眼，袞袞老英雄。

送李大司成陸榮親于槐山兼簡家君尊叔

拜時為槐山郡守是我同庚也二首

鐵城袞袞有兒孫，國子先生是狀元。報主已能遭盛際，榮親今復荷隆恩。南山獻壽期千歲，北海開樽凸十分。同甲故人能不喜，槐山回首思飛翻。君家詩禮是青氈，滿眼千金直幾錢。天上麒麟曾有種，人間狔犬晚堪憐。錦衣今日龍頭貴，金榜明

春鳳背賢老我不嫌為座主何妨此會設年年
僧雪峯來訪作詩求和
紅葉高飛日欲西僧來不語只詩題一篇字字清
堪讀可笑推敲二字迷

秋思

秋日尋詩立小塘藕花魂冷荻花香西風吹盡江
南夢鴈字書空帶夕陽

次韻李其益姨兄見寄二首

百歲徒勞萬事非功名太半與心違牛溪何處君
家在白鳥滄波屬釣磯
魚婢每因賓客養木奴長為子孫栽乃家盤谷青
檀在肥土甘泉隔幾隈

再用前韻

拙宦虛名惹是非山林朝市兩依違烏臺數朶庭
前栢不及牛溪一釣磯
蘭蓀庭下君多種桃李門前我好栽出處榮枯聊
復尔紅塵迥隔白雲隈

奉送洪節度

伯節

之鎮四首

將門生將早箕裘萬里青雲得意秋花縣憶曾留
異績柳營今復運良籌氣雄虎旅三千隊令肅龍
驤萬斛舟南顧君王寬聖慮姓名從此入金甌
韓信旌旗謝眺篇一身文武兩能全談兵自可孫
吳齒報國端能衛霍肩會見黃堂絃有誦今聞青
海箭無傳麒麟閣上他時畫不使聲名讓世賢

同甲情親自幼齡如今五十四霜星衰鬢互將堪
憐白舊眼相逢不改青世上飽經多聚散契中長
嘆半凋零共君晚節無他語更竭忠誠答寵靈
黃花開處酒相斟話盡平生古意深金海繁華當
日事錦江遊眺此時心紅旗黑槩君奇策白髮烏
紗我苦吟若見槐山李太守為言同甲老侵尋山

太守李祥亦同甲

秋懷

天公造物本多猜竹老荷殘柳亦衰獨立西風成
獨笑黃花無數為誰開

奉送南陽趙使君岷

宰出南陽去恩從北闕頒雖然得良吏惜此辭近

班僉謀知選重共理亦才難所以慰別恨離筵愧
未攀

望三角山

晚風無語立前簷三角秋容露碧尖憶昔小年讀
書寺雪窻茶鼎月相兼

秋晚三首

落日孤亭上晴秋一望中蛛絲工絡壁鴈字咄書
空遠岫呈尖碧殘霞漏斷紅行吟雙草屨滿袖立

西風

萬事皆身外三秋在眼中羣魚聚寒水獨鳥過長
空嶺樹粘雲白江流縷日紅悲秋同楚客策策滿
庭風

歲月詩篇裏園林杖屨中長颺號樹盡寒露入池
空髮自憂官白顏非學道紅故園思不去誰借半
帆風

僧雪岑來訪

西風黃葉響空階時有僧來慰病懷世味椒辛徒
自苦禪談蔗境轉來佳乾坤萬里烏藤杖江海十
年白草鞋勇欲從師行脚去可能於世外形骸

林亭晚啗次岑上人韻

城市那無隱者家林亭幽絕隔塵譁年年為種幾
多樹續續自開無數花白蟻戰酣山雨至黃蜂衙
罷溪日斜移時軟共高僧話石鼎松聲送煮茶

偶題三首

老矣知天命徒然愧地靈知翁多矍鑠有子豈寧
馨得句頭從白求仙骨未青虛名政安用靜坐讀
黃庭

老可拋身世閑宜養性靈神交蘭有道明德黍非
馨雲自尋常白山曾邈迤青無心浮世事馴雀啄
中庭

未尋茆隱士長愧草堂靈桃李自能艷菊蘭相代
馨馨聲名非赭白圖像誤丹青入夜坐無寐暉暉月
可庭

十月既望黃花滿開明月政佳獨酌有懷

月色每向中秋奇黃花自與重陽宜今年中秋值
雨來今年重陽花未開既負中秋又重陽我懷鬱

鬱徒悲傷今夕何夕十月中黃花自與明月同對
月舉杯泛黃花人生此樂知如何君不見李白對
月無此菊陶潛對菊月不得古今賢達尚不足我
何為者兼所欲問月問花如我無年年此日莫相
辜我醉我詞我獨酌黃花無數月不落

朝坐

紙窓朝日暈紅濤宿醉猶存坐擁袍病不趨朝仍
告暇梳餘短髮白刁騷

送芮同樞承錫朝正三首

十月風高霜葉黃朝正使者攬裘忙何會刺語對
妻子已見利賓觀國光鳳曆十年頒夏朔麟經一
月係春王會同萬國三元節五色雲中覲玉皇

憶曾擎表去朝天往事如今十四年海外人才少
知者朝中文物尚依然周家文軌通蠻貊禹貢輿
圖罄幅員嗟時未獻燕都賦只得征西數百篇
子昔西京送我行今送子過西京村童馬卒知名
姓土吏鄉官喜迓迎沮江樽酒重遊興遼野風
霜遠別情好待明春拚軟脚上林高樹語流鶯

齊坐仕罷

白衣門外喚申後小吏庭中封檟時監察鞠躬臺
長出誰知老憲鬢如絲

夜雨

孤亭夜來雨既雨月還白紙窓俄報明瓦溝有殘
滴

訪尹洪川幽居

公餘騎馬訪幽高相對繩牀坐小亭佳菊自開依
薜荔盤松已老長後冬塵中歲月吾頭白物外精
神子骨青蒲酌一杯論世事集賢豪傑半彫零

北風

北風昨夜撼危稍葉盡分明露鳥巢憶我山中有
小屋定應捲盡數重茅

再用前韻寄洪南陽二首

落落南陽我不如少年豪氣未全除時從徐邈一
中聖不學退之三上書共喜遭時昭代用莫言多
病故人踈碧松亭下芹宮路來往風流有竹輿
不見卧龍今數月西風情思更縣縣寄來詩句清

堪讀病後容顏瘦可憐莫嘆頭蓬秋更颯似聞肘
柳日能痊何時訪我茅簷下黃卷青燈夜似年

三用前韻寄洪南陽二首

十年多病渴相如竊祿明時愧羨除已不詞頭修
制誥更無註脚讀詩書功名老矣慙三傑身世終
然慕兩疏樽酒斯文同晚節大平氣象藹扶輿
日日秋風吹滿天紬衣漸冷欲藏綿愛鍾黃菊多
生癖味到白醪抵死憐聲價漸低錢不直詩疵疊
出藥難痊唯餘交道如君在老去真情倍少年

將扈從豐壤離宮忽患眩冒擁衾危坐有
作

時因講武幸離宮侍從羣臣拜舞同自愧老衰多

宿疾只憑藥餌効神功旌旗拂日龍蛟動鐵騎迷
雲虎豹雄欲獻長揚成小草擁衾孤坐問天公

邊宗簿 孝同 第設戊午進士同年會狀元申
高靈以下諸相皆會僕以臺官且病未赴詩

以為謝

年辛同榜曙星殘遊宦東西會合難今日畫堂真
勝宴當時病客况清官青娥正怕親烏府黃菊應
羞上芻冠上相榮臨諸相會風流伯仲盡情歡

即事

南北青山捲小簾日長無事卧前簷晴光漸入貂
裘暖一片乾坤屬黑甜

偶吟

天地悠悠一病翁攬裘危坐小窓中人心妍醜何
須鏡世事疏張自有弓一字吟安髯半白三杯飲
罷頰微紅歸心江海無窮盡誰借孤帆萬里風

四用前韻寄洪南陽二首

得失榮枯我自如由來造物有乘除袖中已草歸
田賦案上曾編種樹書常遇熱官憂語冷每逢佳
士嘆才疎一生伎倆唯鈇斲竟舜君民愧子輿
昔日紅顏今白髮始知老與病連縣高飛長往真
難事拙宦虛名揔可憐長醉陶潛因菊興沉痾韓
愈得蓮痊歲寒交道休相負好待香山結社年

即事

庭空鵲頻噪日落鷄欲栖索飯憐癡子催炊信老

妻爐紅燒木葉羹碧洗芹泥十月行將盡黃花尚
滿蹊

形癯同鶴老性拙似鳩栖未有經傳子唯存瑟合
妻此心元匪石長醉政如泥時復巡園步荒畦接
小溪

五用前韻寄洪南陽二首

子有新詩錦不如寄來驅我病消除晴窓好展高
聲讀拙藁添編細抄書韓愈澹沲無卓犖嵇君潦
倒更龕踈蠅攀驥尾慙非分最識高名是德輿
老去心灰百不然從教雙鬢白於絲嘔心自與世
相忤搖尾敢為人所憐道直如絃那可屈詩窮有
崇不堪痊烏臺承乏何顏面碌碌無成又一年

夜吟

晚風吹雨又黃昏悄悄幽懷坐掩門萬木號怒天
籟響孤燈聞寂地爐温三間破屋蝸同小十載高
談虱獨捫茶鼎松風時送響一生風味渴文園

六用前韻寄洪南陽二首

萬事初終漸不如壯心應為老驅除已慙薇掖空
焚草復愧蘭臺少上書物議由來重臺諫朝廷誰
更記頑踈十年頭上重我多誤被君恩寵得輿
小室焚香裊細烟紙窓晴日暖黃綿百年已覺雙
毛改一世何須衆目憐花月作荒多日習酒詩成
瘁幾時瘞半生已被功名誤辜負鷗盟又十年

杏村李文貞公

居正

外高祖也其嗣曾孫李

僉樞將玄陵御筆畫像及謚號以示之有感
鷲僧當日恣狐威麟閣功臣已半非清讌傳神無
寫謚如公終始史應稀

七用前韻寄洪南陽二首

斯文氣脉近何如忝長成均愧不除國子未成進
學解諸生誰作請留書範模人物功何有陶鑄英
雄術已踈十載妨賢招衆謗似君豪氣滿堪輿
重到栢臺料不然簿書堆案亂如縣烏飢枝上聲
猶噤馬立仗前默可憐補衮才踈曾有闕醫民術
短竟何痊聖朝無事封章少持祿容身又二年

八用前韻寄洪南陽二首

一室圖書淡掃如時聞風葉響堦除閑中細和淵

明律靜重新措孟頫書世事極知方則止人情長
怪數斯踈小窻扶病無人訪畏飯知誰是子輿
家貧坐客吟無糧土垠蒲團暖勝繇鼎裏還丹方
未試鏡中衰白鏹堪憐退之文好窮能送杜甫詩
神瘡可痊忙或得閑閑更妙枕書高睡日如年

即事

晴窻呵凍兔毫尖寫盡黃庭日轉簾袖手孤吟成
小坐靜中風味淡於鹽

九用前韻寄洪南陽二首

龍鍾身世老何如破帽尖靴醜不除麴老情深時
頌德錢兄交絕已成書衰頽醉後紅猶著短髮梳
來白漸踈晚節風流人莫問相從閭閻有肩輿

矮窻扶坐晚風顛剪剪新寒入木絲小妾點茶聊
復興癡兒索飯絕堪憐窮愁子美憑詩遣消渴文
園仗酒痊萬事自當知止足百年如此送流年

十用前韻寄洪南陽二首

心似孤僧髮不如蒲團歲月坐消除焚香義易移
時讀洗手仙經課日書漢落一身甘寂寞經營十
口大空踈由來樂地皆名教果世何須學楚輿
幾年空費大官錢補國曾知氣力絲遺臭流芳皆
細事醉生夢死復誰憐風塵面目能無愧泉石膏
盲竟不痊報了聖恩當有日碧松黃菊寄殘年

偶吟

懶拙成何事踈慵得自怡鴟頭娃正小犀角子全

癡獨坐青氊穩高眠白氎宜敲門無俗客得句或
神奇

十一用前韻寄洪南陽

門巷蕭條野寺如唯看馴雀啄庭除眼昏厭見蠅
頭字手顫猶成鳥足書紅葉受風飛更落蒼筠隨
地密還踈晚年身世宜筇杖詩復巡園喚小輿
冬寒料峭風滿天瘦骨酸寒尚擁絺兒已窺牛癡
可愛妾當換馬老堪憐詩篇縱好居何補酒盞頻
踈病或痊萬事當頭休料理可將眠食送餘年

醉後晚起

晴窻已上三竿日醉睡初殘四幅衾為倩小娃扶
起坐濁醪聊復解醒斟

寄丹月朴察訪

歲月飛飛窘督郵送迎南北幾時休功名到處羊
腸路莫嘆馳驅易白頭

扈從東郊

講武城東駕六龍從官多少似雲從羽林布野三
千隊獵騎圍郊數十重日映旌旗連帳幕風生鼓
角撼巒峯自慙獻賦無才調催賜黃封雨露濃

早朝

宵旰憂勤勵聖精千官朝早趁鷄鳴銀河耿耿連
金闕紫陌煌煌擁火城待漏門前鸞響遠齊班庭
下鷺行明三年頭上空峩豸愧負蘭臺御史名

聞琵琶

司馬青衫盆浦泣明妃紅袖塞天愁我無今日愁
兼泣細聽絃聲不下樓

製冠戲作

豸角舊無用鹿皮新製看只須元亮漉不學貢公
彈

寄雪岑上人二首

春山幽幽春雲濃紫翠氤氳千百重老樹回岩有
鳥道落花流水無人蹤哀鶻晝叫裂蒼竹閑鶴晚
栖翻青松澗草岩蔬足時雨道人昨夜鞭潭龍
青山斗絕參可捫石徑低回穿入雲瀑布半空曉
雪落松風滿壑春濤喧鱗鱗老樹蔭簾額脉脉寒
泉縈石根山下行人汗如雨樓臺六月驚心魂

送一菴專上人遊嶺南四首

西遊纔罷又南遊，瓶錫孤蹤道里悠。
竹嶺迢迢連月岳，花川渺渺接星州。
頭流山下石樓月，首露國前金海秋。
直到鷄林探勝景，黃龍寺古六鼇頭。
打袍行色野裝輕，南北東西自在行。
納納乾坤雙足繭，茫茫江海一身萍。
道存面目參來得，詩已膏肓到處成。
自哂平生卧遊者，年來髀肉如許生。
長為吾生獨吟哈，可能於世外形骸。
人生行樂槐安國，宦路難危灑灑堆。
白幘青鞋空復興，紅塵烏帽自相猜。
十年枉費江南夢，付與高師細討來。
歲律蒼茫欲小春，嶺南何處無故人。
丁寧方伯招邀數，多少州官問訊頻。
勝地名區詩摠好，清談軟

話意還真歸來相對梅簷下，說盡江山齒自津。

戲寄平壤鄭監司 文炯

騎虎三年鬚欲絲，無心同賦碧團詩。
何時浮碧樓前月，聽唱佳人江水辭。

十二用前韻寄洪南陽二首

虛名箕斗愧何如，竊祿多時近玉除。
鑿殿早修黃紙誥，烏臺今上皂囊書。
芹宮忝長顏，何厚藝苑掄材手。
已踈不欲妨賢，招物議田園歸去有輕輿。
行止悠悠歲月顛，長風吹盡雪飛綿。
迺踈不合明時用，悃悃惟應故友憐。
詩似孟郊寒更甚，傳如杜預癡難痊。
白頭未熟青山計，惆悵今年倍去年。

十三用前韻

南陽和氣玉溫如使我昏襟頓解除筆下犇騰三
峽浪胸中磊落五車書少年膠漆情多厚晚節松
筠信不踈更謝慙前日事弊廬能復在軒輿
往事南臺夢宛然蒲山晴雪玉聯餘臨崖誓語尤
堪笑被酒真情大可憐我本思君詩屢寄君今訪
我病初痊一樽相對雙青眼大平論談說少年

十四用前韻

鼎鼎光陰瞥眼如人情世態日消除無心擬作三
都賦有意續編兩漢書晚學唐詩猶澁癖老指晉
字輒生踈故園歸隱殘年計萬蠹青山一竹輿
寒燈高枕夜無眠幽思重重類楚綿鷄蟹有情元
自附蛭蛇何事復相憐酒兵易解愁城破藥力能

扶病骨痊歲月悠悠頻攬鏡官情鄉思自年年

十一月初九日夜夢與一人拜北斗七星者
三四一人曰我是東方朔覺而異之詩以為

誌

方朔千載人音容不可追夜夢與之遊此理渺難
知維北有七星衆星所拱之異人同異星瑞應諒
無疑北斗酌元氣以之成四時方朔三偷桃壽筭
知無期稽首謝天公聊復誌以詩

題金吾諸彥讌會圖

地以金吾切天曾玉汝成朝廷方籲俊豪傑共蜚
英簿領多閑暇杯樽樂大平仍思舊判日看畫眼
增明

寄南原趙使君

不見同隣趙倚樓三年奔走困為州如予亦坐叨
名累重到烏臺已白頭

四佳詩集卷之二十一

